



Driver and Vehicle
Licensing Agency
Asiantaeth Trwyddedu
Gyrwyr a Cherbydau

D100W

Trwyddedau gyrru

Am ragor o wybodaeth ewch i www.direct.gov.uk/driving



CUSTOMER
EXCELLENCE
RHACORIAETH
MEWN
GWASANAETH
I GWYMERIAID



Safon y Llywodraeth
The Government Standard

7/10

Asiantaeth
weithredol o'r
Adran Drafnidiaeth

Cynnwys

Sut i wneud cais am eich trwydded yrru	3
Trwyddedau dros dro	4
Pan fyddwch yn pasio eich prawf gyrru	6
Deddf Traffig y Ffyrdd (Gyrwyr Newydd) 1995..	6
Eich hawl i yrru	7
Pryd i adnewyddu eich trwydded	7
Sut i newid eich cyfeiriad ar eich trwydded.....	7
Sut i newid eich enw ar eich trwydded.....	8
Sut i adnewyddu'r ffotograff ar eich trwydded	8
Sut i gael trwydded newydd	8
Ydw i'n cael gyrru tra bo fy nhrwydded i gan DVLA?	9
Pwyntiau cosb a gwaharddiadau gyrru	9
Eich iechyd	11
Trwyddedau o wledydd eraill	15
Ymweld â gwlad arall	16
Y Ddeddf Diogelu Data a chi	16
Os oes gennych unrhyw gwestiynau	17
Taflenni gwybodaeth	17
Ein safonau gwasanaeth	18



Sut i wneud cais am eich trwydded yrru

I wneud cais am eich trwydded yrru bydd angen i chi lenwi naill ai:



- **ffurflen D1W** – ffurflen gais am drwydded yrru (ar gyfer pob trwydded yrru heblaw trwyddedau lorïau a bysiau); neu



- **ffurflen D2W** – ffurflen gais am drwydded lori neu fws.

Gallwch archebu pecynnau ymgeisio am y D1W a'r D2W ar-lein o **www.direct.gov.uk/motoringforms** neu gennym ni drwy ffonio **0300 790 6801** (rhwng 8yb a 8.30yh, o ddydd Llun i ddydd Gwener, a rhwng 8yb a 5.30yp ar ddydd Sadwrn).

Gallwch hefyd gael y pecynnau ymgeisio hyn o:

- Canghennau Swyddfa'r Post® (D1W yn unig);
- Swyddfeydd Ardal Traffig (D2W yn unig); a
- Swyddfeydd DVLA lleol.

Gallwch ddefnyddio'r pecynnau ymgeisio hyn i wneud cais am y canlynol:


- trwydded dros dro;
- trwydded lawn;
- trwydded newydd;
- trwydded newydd ar ôl iddi gael ei thynnu'n ôl am resymau iechyd; neu
- drwydded newydd ar ôl i chi gael eich gwahardd rhag gyrru.

Gallwch hefyd eu defnyddio i:

- adnewyddu eich llun;
- newid eich manylion;
- adnewyddu eich trwydded;
- dileu hen bwyntiau neu fanylion cael eich gwahardd rhag gyrru; neu
- gyfnewid trwydded Gogledd Iwerddon neu drwydded o'r tu allan i Brydain am un Brydeinig.

Efallai y bydd angen i chi dalu ffi (gweler y ffurflen gais berthnasol).

Gwnewch gais ar-lein:

Fe allwch nawr wneud cais ar-lein am sawl trafodyn. Lle bynnag gwelwch yr icon yma  gallwch wneud cais ar-lein ar gyfeiriad y wefan rhoddwyd.

Trwyddedau dros dro



www.direct.gov.uk/provisional

Er mwyn dysgu gyrru, rhaid i chi gael trwydded dros dro ddilys. Byddwn fel arfer yn anfon hon atoch o fewn gall gymryd yn hirach os oes angen gwirio eich manylion meddygol neu bersonol 3 wythnos i'ch cais ddod i law.

Rhaid i chi beidio â gyrru nes eich bod wedi derbyn eich trwydded, gan y bydd hon yn rhoi manylion beth y cewch ei yrru, a phryd y cewch gychwyn.

Dysgu gyrru ceir

Rhaid i ddysgwyr gael eu goruchwyllo gan yrrwr cymwys sy'n gorfod:

- bod yn 21 oed o leiaf;
- dal trwydded yrru lawn ddilys o Brydain, Gogledd Iwerddon neu Gymuned yr UE yn y categori priodol; a
- bod wedi meddu ar y drwydded honno ers tair blynedd neu fwy.

Ar gyfer ceir a beiciau modur

- Os nad ydych erioed wedi meddu ar drwydded yrru Brydeinig, bydd angen i chi wneud cais am drwydded dros dro gan ddefnyddio ffurflen D1W.
- Gallwch ddechrau dysgu gyrru car yn 17 a moped yn 16.

Ar gyfer beiciau modur yn unig

- Os rhoddwyd eich trwydded beic modur dros dro cyn 1 Chwefror 2001, dim ond am ddwy flynedd oedd hi'n ddilys. Os na wnaethoch chi basio prawf cyn diwedd y ddwy flynedd, cewch wneud cais am drwydded dros dro arall.
- Os rhoddwyd eich trwydded beic modur dros dro ar 1 Chwefror 2001 neu ar ôl hynny, bydd

hi'n ddilys tan eich pen-blwydd yn 70.

- Ers mis Mawrth 2002, mae trwyddedau gyrru wedi rhoi hawl awtomatig i chi ddysgu reidio beic modur. (Hynny yw, mae gennych 'hawl dros dro i yrru beic modur').
- Os oes gennych drwydded lawn i yrru moped sy'n cynnwys hawl dros dro i yrru beic modur, bydd honno hefyd yn ddilys tan eich pen-blwydd yn 70.

Noder: rhaid i chi gwblhau cwrs hyfforddiant sylfaenol gorfodol (CBT) ar gyfer moped neu feic modur cyn y cewch reidio ar ffordd gyhoeddus. Cewch dystysgrif hyfforddi (DL196) sydd yn gymwys am ddwy flynedd a fydd angen dangos i'ch arholwr pan fyddwch yn cymryd eich prawf ymarferol. I gael mwy o wybodaeth, ewch i **www.direct.gov.uk/learning2drive** neu ffoniwch yr Asiantaeth Safonau Gyrru ar 0300 200 1122.

Ar gyfer lorïau a bysiau'n unig

- Rhaid i chi feddu ar drwydded lawn i yrru car, a bydd angen i chi wneud cais am drwydded dros dro ar gyfer lori neu fws drwy ddefnyddio ffurflen D2W.
- Bydd angen i chi ofyn i feddyg lenwi'r Ffurflen Adroddiad Meddygol (D4) (wedi'i chynnwys yn y pecyn ymgeisio D2W).

Pan fyddwch yn pasio eich prawf gyrru

- Cewch yrru heb oruchwyliaeth cyn gynted â'ch bod yn pasio eich prawf.
- Fel arfer, byddwn ni'n rhoi trwydded lawn i chi'n awtomatig, os yw'ch enw ar eich trwydded cerdyn llun yn gywir.
- Os na allwn ni roi eich trwydded yn awtomatig, mae **rhaid** i chi anfon eich tystysgrif pasio prawf atom er mwyn gwneud cais i gael eich hawl ar eich trwydded yrru.
- Fel arfer, byddwn yn anfon eich trwydded yrru atoch o fewn 3 wythnos ar ôl derbyn eich cais. Gall gymryd yn hirach os oes angen gwirio eich manylion meddygol neu bersonol.

Deddf Traffig y ffyrdd (Gyrwyr Newydd) 1995

Byddwch yn colli eich trwydded os cewch chwe phwynt cosb neu ragor o fewn dwy flynedd o'r canlynol:

- Pasio prawf gyrru cyntaf ym Mhrydain Fawr
- Cyfnewid trwydded a gyflwynir yn y Gymuned Ewropeaidd, Ynysoedd y Sianel, Ynys Manaw, neu Gibraltá. Mae'r cyfnod o ddwy flynedd yn dechrau o'r dyddiad roeddech wedi pasio prawf gyrru gyntaf yn eich gwlad enedigol.
- Cyfnewid trwydded yrru wrth **wlad berthnasol** gweler adran 'Trwyddedau o wledydd eraill' a phasio prawf gyrru Prydeinig i gael mwy o hawliau gyrru. Mae'r cyfnod o ddwy flynedd yn dechrau o'r dyddiad roeddech wedi pasio prawf gyrru ym Mhrydain Fawr.
- Bydd unrhyw nifer o bwyntiau cosb a gewch cyn pasio eich prawf gyrru yn cyfrif tuag at y cyfanswm o chwech. Bydd pwyntiau a gewch ar ôl y cyfnod ddwy flynedd hefyd yn cyfrif os cyflawnwyd y trosedd gyrru yn ystod y cyfnod hwnnw.

Ni allwch apelio yn erbyn y penderfyniad hwn. Yr unig beth y gallwch chi apelio yn ei erbyn yw'r golffarn a arweiniodd at y pwyntiau cosbi. Bydd y llys perthnasol yn gallu rhoi cyngor i chi ar sut i apelio. Unwaith y bydd y llys wedi dweud wrthym eich bod chi wedi gwneud apêl, ni fyddwn yn dirymu eich trwydded (tynnu eich trwydded yn ôl) tra bydd yr apêl yn parhau. Os byddwch chi'n derbyn hysbysiad cosb benodol, ni allwch apelio. I gael eich trwydded lawn yn ôl, mae'n rhaid i chi:

- gael trwydded dros dro a gyrru fel dysgwr; a
- pasio'r profion theori ac ymarferol unwaith eto.

Ni fydd pasio'r prawf theori a'r prawf ymarferol yn golygu fod y pwyntiau cosb yn cael eu tynnu oddi ar eich trwydded, ac os daw'r cyfanswm i 12 o fewn tair blynedd gallech gael eich gwahardd rhag gyrru.

Eich hawl i yrru

- Fel rheol, bydd eich hawl i yrru ceir a reidio beiciau modur a mopedau'n para tan eich pen-blwydd yn 70 oed. Wedi hynny, bydd angen i chi adnewyddu eich trwydded bob tair blynedd.
- Fel rheol, bydd eich hawl i yrru cerbyd nwyddau mawr neu gerbyd cludo teithwyr yn para tan eich pen-blwydd yn 45 oed. Wedi hynny, bydd angen i chi adnewyddu eich trwydded bob pum mlynedd tan eich pen-blwydd yn 65 oed, a bob blwyddyn ar ôl hynny.
- Os oes gennych chi gyflwr meddygol a bod angen ei adolygu'n rheolaidd, efallai y cewch hawl i yrru am gyfnod o flwyddyn, dwy flynedd neu dair blynedd. Gweler 'Eich iechyd' ar adran.
- Byddwn yn anfon nodyn atoch i'ch atgoffa dri mis cyn i'ch trwydded gyfredol ddiweddu.

Pryd i adnewyddu eich trwydded

- Dim ond hyd at 10 mlynedd y bydd trwyddedau cerdyn-llun yn ddilys, ond bydd eich hawl i yrru fel arfer yn ddilys tan eich pen-blwydd yn 70.
- Os oes gennych chi drwydded yrru cerdyn-llun, yn ôl y gyfraith, rhaid i chi adnewyddu eich llun bob 10 mlynedd. **Gallech gael dirwy o hyd at £1000 os na wnewch.**
- Os darparwch ffotograff pan fyddwch yn 70 oed neu'n hy'n, ni fydd angen i chi ddiweddarau eich llun eto oni bai eich bod yn dymuno gwneud hynny.
- Os oes gennych drwydded bapur, bydd hon yn ddilys tan eich pen-blwydd yn 70 oed. Ar yr adeg yna, bydd angen i chi wneud cais am drwydded cerdyn-llun.
- Byddwn yn anfon nodyn atoch i'ch atgoffa cyn i'ch trwydded gyfredol ddiweddu.

Sut i newid eich cyfeiriad ar eich trwydded



www.direct.gov.uk/changeofaddress

I roi gwybod i ni am **newid cyfeiriad**, gallwch:

- Os oes gennych drwydded cerdyn-llun, ysgrifennwch eich cyfeiriad newydd yn yr adran newidiadau ar y papur manylion ac anfon y papur manylion a'r cerdyn-llun atom.

- Os ydych wedi colli naill ai un rhan neu'r llall, bydd angen i chi wneud cais am drwydded newydded wrth lenwi ffurflen D1W.

Sut i newid eich enw ar eich trwydded.

I roi gwybod i ni am **newid enw**, rhaid i chi lenwi ffurflen D1W. Gweler y ffurflen 'Sut i lenwi eich ffurflen gais am drwydded yrru' (INF1DW) i gael mwy o wybodaeth.

Pwysig – rhaid i chi ddweud wrthym am unrhyw newid enw neu gyfeiriad. Os na wnewch, gallech wynebu dirwy o hyd at £1000.

Sut i adnewyddu'r ffotograff ar eich trwydded

I adnewyddu'r ffotograff ar eich trwydded yrru, gallwch:

- lenwi'r nodyn atgoffa rydym wedi'i anfon atoch; neu
- lenwi ffurflen D1W

Gweler taflen INF1DW am ragor o wybodaeth.

Sut i gael trwydded newydd



www.direct.gov.uk/replacelicence

Os yw'ch trwydded yrru wedi cael ei cholli, ei dwyn, ei dinistrio neu ei difetha, gallwch wneud cais am drwydded newydd drwy lenwi ffurflen D1W.

Os ydych wedi colli eich trwydded cerdyn-llun a'r papur manylion, gallwch wneud cais am drwydded cerdyn-llun newydd dros y ffôn gan ddefnyddio cerdyn credyd neu ddebyd cyn belled â bod dim manylion wedi newid nac yn anghywir. Gallwch dalu gyda Visa, Delta, Mastercard neu Maestro. I ddefnyddio'r gwasanaeth hwn, ffoniwch 0300 790 6801 rhwng 8yb a 8.30yh o ddydd Llun i ddydd Gwener, neu rhwng 8yb a 5.30yp ar ddydd Sadwrn.

Fel arfer, byddwn yn anfon eich trwydded newydd atoch o fewn 3 wythnos ar ôl derbyn eich cais.

Gall gymryd yn hirach os oes angen gwirio eich manylion meddygol neu bersonol.

Os dewch o hyd i'ch hen drwydded ar ôl gwneud cais am un newydd, anfonwch hi'n ôl i DVLA, Abertawe SA99 1AB gyda nodyn o eglurhad.

Ydw i'n cael gyrru tra bo fy nhrwydded i gan DVLA?

Cewch yrru cyn cael eich trwydded newydd yn ôl, cyn belled â bod y canlynol yn wir.

- Bod gennych drwydded Gwledydd Prydain neu drwydded Gogledd Iwerddon, neu drwydded arall y gellir ei chyfnewid am drwydded Gwledydd Prydain, a gyhoeddwyd ar ôl 1 Ionawr 1976. (Gweler y daflen 'Gyrru yng Ngwledydd Prydain fel ymwelydd neu breswilydd newydd' (INF38) am ragor o wybodaeth).
- Nad ydych wedi'ch gwahardd rhag gyrru.
- Na wrthodwyd rhoi trwydded i chi am resymau meddygol neu am beidio ag ymateb i ymholiadau meddygol.
- Na fyddech yn cael eich gwrthod rhag derbyn trwydded oherwydd rhesymau meddygol.
- Eich bod yn bodloni unrhyw amodau arbennig sy'n berthnasol i'r drwydded.

Pwyntiau cosb a gwaharddiadau gyrru

Os cewch eich dyfarnu'n euog o drosedd gyrru, gall y llys:

- roi pwyntiau cosb ar eich trwydded;
- eich gwahardd am gyfnod penodol;
- neu'r ddau.

Os casglwch 12 neu ragor o bwyntiau cosb mewn cyfnod o dair blynedd, byddwch yn cael eich gwahardd rhag gyrru.

Pwyntiau cosb

Bydd pwyntiau'n aros ar drwydded am y cyfnodau canlynol.

- 11 blynedd o ddyddiad eich dyfarnu'n euog o'r troseddau canlynol.
 - Gyrru dan ddylanwad alcohol neu gyffuriau,

gan gynnwys achosi marwolaeth drwy yrru'n ddiofal dan ddylanwad alcohol neu gyffuriau (rhoddir DR10, DR20, DR30, DR 80, CD40, CD50 a CD60 ar y drwydded i ddangos hyn).

- Achosi marwolaeth drwy yrru diofal, ac yna methu neu wrthod cymryd prawf anadl, gwaed neu wrin (dangosir hyn ar drwydded fel CD70).
- Pedair blynedd o ddyddiad yr euogfarn am yrru byrbwyll neu beryglus, a throeddau sy'n arwain at waharddiad rhag gyrru (dangosir hyn ar drwydded fel DD40, DD60 a DD80).
- Pedair blynedd o ddyddiad y trosedd ym mhob achos arall.

Byddwn yn dileu hen bwyntiau cosb yn awtomatig os byddwch yn newid eich trwydded am unrhyw reswm.

Gwaharddiadau rhag gyrru

Os cewch eich gwahardd am lai na 56 diwrnod.

- Bydd y llys yn stampio'ch hen drwydded bapur neu bapur manylion eich cerdyn-llun ac yn eu rhoi yn ôl i chi. Bydd y stamp yn dweud wrthyich am ba hyd y'ch gwaharddwyd.
- Does dim rhaid i chi adnewyddu eich trwydded pan ddaw'r gwaharddiad i ben. Bydd eich trwydded yn ddilys eto y diwrnod ar ôl i'r gwaharddiad ddod i ben.

Os cewch eich gwahardd am 56 diwrnod neu fwy.

- Rhiad i chi lldio eich trwydded.
- Bydd angen i chi wneud cais i adnewyddu'ch trwydded. Os nad ydych yn siwr pryd y daw eich gwaharddiad rhag gyrru i ben, cysylltwch â'r llys a'ch gwaharddodd.
- Ddau fis cyn diwedd eich gwaharddiad, byddwn yn anfon ffurflen gais atoch i'w adnewyddu.

Os buoch dan waharddiad am fwy na dwy flynedd, gallwch ofyn i'r llys ystyried diddymu'r gwaharddiad ar ôl:

- dwy flynedd – os cawsoch eich gwahardd am rhwng dwy a phedair blynedd;
- hanner cyfnod y gwaharddiad rhag gyrru – os cawsoch eich gwaharddiad am rhwng pedair a 10 mlynedd; neu
- pum mlynedd – os cawsoch eich gwahardd am 10 mlynedd neu fwy.

I gael mwy o wybodaeth am godau sy'n egluro'r rhesymau dros roi pwyntiau cosb, ewch i'n gwefan

yn www.direct.gov.uk/penaltypoints neu gweler y daflen 'Gwybodaeth am drwyddedau gyrru' (INS57PW), sydd ar gael i'w llwytho oddi ar y we yn www.direct.gov.uk/motoringleaflets

Sut y gallaf ddiddymu hen bwyntiau cosb a gwaharddiadau?

Pan fydd pwyntiau cosb a gwaharddiadau wedi dod i ben, gallwch wneud cais i'w tynnu oddi ar eich trwydded.

I wneud hyn, llenwch:

- ffurflen D1W (ar gyfer trwydded yrru gyffredin); neu
- ffurflen D2W (ar gyfer trwydded lori neu fws).

Gweler naill ai'r llyfryn INF1DW (ar gyfer ffurflen D1W) neu INF2DW (ar gyfer ffurflen D2W) i gael manylion am sut i lenwi'r ffurflenni.

Eich iechyd

Mae'n **rhaid** i chi ddweud wrthym ni os ydych erioed wedi cael unrhyw un o'r canlynol, neu os yw gennych ar hyn o bryd.

- Diabetes a reolir gan inswlin
- Epilepsi
- Unrhyw gyflwr sy'n effeithio ar y ddau lygad neu ar yr unig lygad sydd gennych (ac eithrio golwg byr neu hir neu liwddallineb)
- Strôc, gydag unrhyw symptomau'n para'n hirach nag un mis, neu TIA (Trawiadau Isgemig Byrbarhaol)
- Ffitau neu flacowts
- Unrhyw fath o lawdriniaeth ar yr ymennydd, anaf difrifol i'r pen yn cynnwys triniaeth fewnol neu diwmor ar yr ymennydd
- Rheoliadur cardiaidd dan y croen
- Diffibriliwr cardiaidd dan y croen
- Trawiadau aml o bendro sydyn sy'n amharu arnoch
- Unrhyw gyflwr niwrolegol cronig arall, gan gynnwys Parlys ymledol, clefyd Niwronau Motor a Chlefyd Huntington
- Problem ddifrifol gyda'ch cof neu byliau o ddrysni
- Dibyniaeth ar alcohol neu gamddefnydd parhaus ohono

- Dibyniaeth ar gyffuriau neu gamddefnydd parhaus ohonynt
- Salwch seiciatryddol neu anhwylder meddyliol difrifol
- Clefyd Parkinson
- Syndrom apnoea cwsgr
- Narcolepsi
- Unrhyw gyflwr sy'n effeithio ar eich maes gweledol (yr hyn y gallwch ei weld o'ch cwmpas wrth edrych yn syth ymlaen)
- Colli golwg yn llwyr mewn un llygad
- Unrhyw broblem gyson gyda'ch breichiau neu'ch coesau sy'n golygu mai dim ond mathau penodol o gerbydau neu gerbydau sydd â rheolyddion wedi eu haddasu y cewch eu gyrru.
- Anabledd dysgu difrifol

Os byddwch chi'n peidio â dweud wrthym am unrhyw un o'r uchod, byddwch yn cyflawni trosedd a allai olygu dirwy o hyd at £1000 i chi. Os byddwch chi'n rhoi gwybodaeth ffug i ni'n fwriadol, neu os peidiwch â rhoi gwybodaeth berthnasol i ni, er mwyn cael trwydded yrru, gallech orfod mynd i'r carchar am hyd at ddwy flynedd.

Rheolau ychwanegol ar gyfer cerbydau canolig a mawr, bysiau mini neu fysiau

Mae rheolau mwy caeth ynglŷn ag iechyd gyrrwyr cerbydau mwy. Y rheswm am hyn yw oherwydd bod damweiniau gyda cherbydau mawr yn fwy tebygol o arwain at farwolaeth neu anaf difrifol.

Yn ogystal â'r cyflyrau a nodwyd eisoes mae'n rhaid i chi hefyd ddweud wrthym am:

- angina, unrhyw gyflwr arall ar y galon neu lawdriniaeth ar y galon;
- diabetes a reolir gan dabledi;
- problemau golwg sy'n effeithio ar y naill lygad neu'r llall; neu
- unrhyw fath o strôc, gan gynnwys TIA (Trawiadau Isgemig Byrbarhaol).

Epilepsi

Ni chewch yrru cerbyd canolig neu fawr, bws mini na bws os oes gennych duedd at drawiadau epileptig.

Diabetes

Os oes gennych chi ddiabetes sy'n cael ei drin gydag inswlin, chewch chi ddim gyrru cerbydau canolog na mawr, bysiau mini na bysiau oni bai:

- Eich bod yn meddu ar drwydded i yrru lorïau neu fysiau cyn 1 Ebrill 1991; a
- Bod y comisiynydd traffig a gyflwynodd y drwydded neu a oedd yn gweithredu lle roeddech yn byw yn gwybod am y driniaeth inswlin cyn Ionawr 1991.

Sut ydw i'n dweud wrthyich am broblem iechyd?

- Os ydych chi'n llenwi ffurflen D1W neu ffurflen D2W, gallwch roi'r manylion i ni yn yr adran iechyd, byddwn ni wedyn yn postio holiadur meddygol atoch i lenwi. Er mwyn arbed amser, gallwch lawrlwytho'r holiadur priodol oddi wrth y we yn **www.direct.gov.uk/driverhealth** ac anfon gyda'ch cais.

- Os oes trwydded gennych yn barod, gallwch lawrlwytho'r Holiadur meddygol priodol o **www.direct.gov.uk/driverhealth** ac anfon i:

Grŵp Meddygol y Gyrwyr

DVLA

Abertawe

SA99 1TU.

Ffôn: 0300 790 6806 (rhwng 8yb a 5.30yp, o ddydd Llun i ddydd Gwener, a rhwng 8yb ac 1yp ar ddydd Sadwrn)

Gyrwyr lorïau a bysiau ffonio 0300 790 6807

Ffôn testun: 0300 123 1278

Ffacs: 0845 850 0095

E-bost: eftd@dvla.gsi.gov.uk

Bydd angen i ni wybod:

- eich rhif gyrrwr neu eich enw llawn a'ch dyddiad geni; a
- chymaint o fanylion ag sy'n bosib am y broblem iechyd.

Beth sy'n digwydd pan ydw i'n dweud wrthyich am broblem iechyd?

Byddwn yn anfon holiadur meddygol atoch (onid eich bod chi hefyd yn anfon ffurflen D4 atom ac

efallai wedyn bydd ddim ei angen). Gofynna hwn i chi roi caniatâd i'n cynghorwr Meddygol gael adroddiadau gan eich meddyg a'ch arbenigwyr.

Adroddiad meddygol D4 (ar gyfer gyrwyr/ymgeiswyr cerbydau canolig neu fawr, bysiau mini neu fysiau yn unig)

Wrth wneud eich cais cyntaf am drwydded lori neu fws, neu wrth adnewyddu trwydded gyfredol, bydd rhaid i chi ofyn i'ch meddyg lenwi ffurflen D4. Bydd rhaid i chi hefyd gael D4 wedi'i llenwi os ydych yn ddeilydd trwydded y Gymuned Ewropeaidd/Ardal Economaidd Ewrop ac yn gwneud cais am eich trwydded lori neu fws gyntaf neu'n ei hadnewyddu yn 45 oed neu'n hŷn.

Os oes gennych drwydded lori neu fws eisoes a'ch bod yn gwneud cais ar gyfer y categori arall, **rhaid** i chi ddarparu ffurflen D4 arall oni bai eich bod wedi darparu un yn y 12 mis diwethaf. Gallwch hefyd lwytho ffurflen D4 a 'Gwybodaeth Adroddiad Archwiliad Meddygol' D4 ac nodiadau defnyddiol oddi ar y we yn

www.direct.gov.uk/motoringforms

Rheolau ychwanegol o ran golwg os ydych am yrru cerbydau canolig neu fawr, bysiau mini neu fysiau

Gyrwyr newydd

Rhaid i'ch golwg fod o leia'n cyrraedd:

- 6/9 ar raddfa Snellen yn y llygad orau a 6/12 ar raddfa Snellen yn y llygad arall (wrth wisgo sbectol neu lensys cywiro os oes eu hangen arnoch); a
- 3/60 yn y naill lygad a'r llall heb sbectol na lensys cywiro.

Gall optegydd roi gwybodaeth i chi am hyn.

Gyrwyr a oedd yn meddu ar drwydded cyn 1 Ionawr 1997

Os oedd gennych chi drwydded cyn 1 Ionawr 1997 ac nad ydych yn bodloni'r safonau golwg uchod, gallwch gael mwy o wybodaeth gan ein Grŵp Meddygol y Gyrwyr, DVLA, Abertawe, SA99 1TU (ffôn 0300 790 6807).

Trwyddedau o wledydd eraill

Gallwch gyfnewid trwydded yrru lawn a gyflwynir o fewn y Gymuned Ewropeaidd (CE) neu Ardal Economaidd Ewropeaidd (EEA) am y drwydded DU gyfatebol. Gallwch hefyd gyfnewid trwydded car, beic modur neu foped a gyflwynir gan unrhyw un o'r gwledydd canlynol.

Awstralia	Barbados	Ynysoedd y Wryf	Canada
Ynysoedd y Falkland	Ynysoedd Farøe*	Gibraltar	Hong Kong
Siapan	Monaco	Seland Newydd	Gweriniaeth Corea*
Singapôr	De Affrig	Y Swistir	Simbabwe

*Nid ydym yn cyfnewid hawl i yrru beic modur o'r gwledydd hyn.

Os oes gennych drwydded nad ydym yn ei chydabod fel un y gallwch ei chyfnewid gallwch yrru fel ymwelydd am hyd at 12 mis o'r dyddiad y daethoch i'r DU ddiwethaf. Os ydych yn byw yn y DU gallwch yrru am hyd at 12 mis o'r dyddiad y daethoch i breswyllo yma. Ni fydd raid i chi arddangos platiau 'L' os byddwch wedi pasio'r prawf o fewn 12 mis ar ôl dod i fyw yma. Os bydd y 12 mis wedi pasio, er mwyn gallu parhau i yrru bydd raid i chi gael trwydded dros dro y DU a phasio prawf gyrru. Bydd y rheolau arferol ar gyfer gyrwyr sy'n dysgu gyrru yn berthnasol i chi.

Dim ond os ydych yn breswilydd arferol ym Mhrydain Fawr gallwch gael trwydded yrru Prydain Fawr

I gael eich ystyried yn breswilydd arferol rhaid i chi fod yn preswyllo yn y Deyrnas Unedig am 185 diwrnod ym mhob blwyddyn galendr.

Ni fydd ymgeiswyr nad ydyn nhw'n ddinasyddion y DU neu yn frodorion o wlad arall yr UE neu AEE yn cael eu hystyried yn breswylwyr arferol:

- Os nad oes ganddyn nhw ganiatâd i aros yn y DU
- Os ydyn nhw yn y wlad dros dro yn unig a heb gael caniatâd i aros yma naill ai tra'n disgwyl am benderfyniad os ydyn nhw'n cael aros yn y DU neu'n dilyn penderfyniad i wrthod eu cais

Ymweld â gwlad arall

Bydd eich trwydded y DU yn caniatáu i chi yrru ym mhob gwlad arall yn y Gymuned Ewropeaidd (CE) neu Ardal Economaidd Ewropeaidd (EEA). Gwiriwch gyda chymdeithas foduro os ydych am yrru mewn gwlad nad yw yn y GE neu AEE. Byddan nhw'n dweud wrthyich os oes angen Hawlen Yrru Ryngwladol arnoch (IDP). Fe'u cyhoeddir gan yr AA, yr RAC a Chlwb Adferu Torri i lawr Cenedlaethol y Faner Werdd. Rhaid i chi fod yn byw ym Mhrydain Fawr, wedi pasio prawf gyrru, a bod dros 18 oed.

Pan nad oes angen trwydded rhagor

Dylid dychwelyd y drwydded at:

DVLA

Abertawe

SA99 1AB.

Amgaewch lythyr eglurhaol os ydych

- Yn dychwelyd eich trwydded eich hun am nad ydych yn dymuno gyrru mwyach; neu
- Yn dychwelyd trwydded rhywun sydd ddim am yrru rhagor neu sydd wedi marw.

Y Ddeddf Diogelu Data a chi

Mae Deddf Diogelu Data 1998 yn rhoi'r hawl i chi gael gwybod pa wybodaeth a gedwir amdanoch gennym. Os ydych chi eisiau gwybod pa wybodaeth sydd gennym amdanoch, mae croeso i chi ysgrifennu atom. Cofiwch gynnwys eich enw llawn, eich cyfeiriad a'ch dyddiad geni. Anfonwch eich llythyr, ynghyd â siec neu archeb bost am £5 (wedi'i gwneud yn daladwy i DVLA, Abertawe) i:

Tîm Dilysu Trwyddedau Gyrru

Gwasanaethau Cwsmeriaid - Gyrwyr

DVLA

Abertawe

SA6 7JL.

Mae'n bosibl y bydd y wybodaeth sydd ar eich cofnod gyrrwr yn cael ei throsglwyddo i gyrff eraill y Llywodraeth ac asiantaethau sy'n gorfodi'r gyfraith. Diben hyn fyddai gwirio'ch cais neu i atal a chanfod troseddau

Os oes gennych unrhyw gwestiynau

Trwyddedau gyrru

- Gallwch gael gwybod mwy am drwyddedau gyrru ar gael ar ein gwefan yn **www.direct.gov.uk/driverinfo**
- Ysgrifennwch at:
Gwasanaethau Cwsmeriaid - Gyrwyr
Tîm Gohebiaeth
DVLA
Abertawe
SA6 7JL.
- Anfonwch e-bost at www.direct.gov.uk/emaildvla
- Ffoniwch y Grŵp Ymholiadau Cwsmeriaid (Gyrwyr) ar 0300 790 6801 rhwng 8yb a 8.30yh o ddydd Llun i ddydd Gwener, neu rhwng 8yb a 5.30yp ar ddydd Sadwrn.

Ffôn testun

Os ydych chi'n fyddar neu'n drwm eich clyw a'ch bod yn gallu defnyddio ffôn testun, ffoniwch 0300 123 1278. Ni fydd y rhif hwn yn ymateb i ffonau cyffredin.

Taflenni gwybodaeth

Os oes angen rhagor o wybodaeth arnoch, mae'r taflenni canlynol ar gael.

- **INF28W** Gyrru bws mini
- **INF29W** Gofynion sylfaenol i gerbydau prawf
- **INF30W** Gofynion trwyddedu gyrwyr ar gyfer tynnu ôl-gerbydau yng Ngwledydd Prydain
- **INF38** Driving in Great Britain (GB) as a visitor or new resident
- **INF45W** Esbonio eich trwydded yrru cerdyn-llun
- **INF52W** Trefniadau trwyddedu arbennig i bobl sy'n gyrru cerbydau mawr
- **INS57PW** Gwybodaeth am drwyddedau gyrru

Gallwch lwytho'r taflenni hyn i gyd oddi ar ein gwefan yn **www.direct.gov.uk/motoringleaflets** neu gallwch gael copïau drwy ffonio 0300 790 6801.

Safonau ein gwasanaethau

Ein nod yw darparu'r gwasanaeth gorau posib i chi bob amser.

Os hoffech gopi o'n 'Canllaw Gwasanaethau Cwsmeriaid a Beth i wneud osaiff rhywbeth o'i le' (INS101W), ysgrifennwch at:

Gwasanaethau Cwsmeriaid – Gyrwyr
Tîm Gohebiaeth
DVLA
Abertawe
SA6 7JL.

Ffacs: 0300 123 0784

Ebost: drivers.dvla@gtnet.gov.uk

Neu gallwch ei lwytho oddi ar ein gwefan yn
www.direct.gov.uk/motoringleaflets

Rhowch wybod i ni os gwelwch yn dda:

- pryd rydym yn llwyddo;
- pan fyddwn ni'n methu â chyflawni safonau ein gwasanaeth;
- sut y gallwn wella ein gwasanaethau; ac
- os oes gennych unrhyw sylwadau am unrhyw un o'n dogfennau eraill.

Ysgrifennwch at:

Carole Evans
Rheolwr Gwasanaethau i Gwsmeriaid
DVLA
Abertawe
SA7 0EE.

Ffacs: 01792 766416

Ebost: **www.direct.gov.uk/emaildvla**

Nodiadau

[illegible]



Driver and Vehicle
Licensing Agency
Asiantaeth Trwyddedu
Gyrwyr a Cherbydau

www.direct.gov.uk/driving